

APUD Peripateticos & recte judicantes Philosophos statum-
tur; quod Nutriens vertatur in substantiam nutriti, eiique assi-
miletur non quidem ante, sed post alterationem ejus, idque verissi-
mum Axioma habetur: Quomodo enim nutrienti, quod jam ante
simile & idem sit cum nutritio, opus esset mutatione suæ essentiæ,
quæ si accideret, non maneret idem nec simile; Aut quomodo ea,
quæ assimilari in nutritio nequeunt, pro nutrimento assumerentur, ut
sunt ligna, lapides & ejusmodi alia? Primum itaque ut inane, sic alter-
rum, naturæ adversum est. Lacte autem animalium nutriti homi-
nem recens natum, non alienum est à natura: quia assimilatio ejus
fieri potest, at longè facilius materni, quā alterius: Unde medicis cō-
cludunt, ad sanitatem, similitudinem substantiæ & morum, nec
non robur conferre infanti, si propriæ matris lacte semper foveatur
& educetur, econtra, si alieno. Hæc est harmonia omnis naturæ,
quod simile gaudeat suo simili, ejusque vestigia imitetur, quantum
potest, in omnibus extacito quodam consensu & con spiratione. I-
dem usū venit in naturali Philosophorum opere, quod æquè à na-
tura regitur in sui conformatione, quām infans sub utero materno:
Et licet pater & mater, ipsa quenutrix illi similitudinariè asscriban-
tur, non tamen artificiale est magis, quām animalis cujusque gene-
ratio: Semina bina quodam delectabili artificio conjunguntur ab
animalibus & utroque sexu hominis, ex quibus unitis per successi-
vam alterationem fit Embryo, qui crescit & augetur, vitam & mo-
tum acquirit, deinde lacte nutritur: Mulier verò conceptionis &
imprægnationis tempore in calore, cibo & potu, motu & quiete, a-
liisque se temperatè ut gerat, necesse est, alias abortus sequetur &
concepti fœrus destructio, quæ observatio in 6. rebus nō naturali-
bus, quia à medicis secundùm artem suam præscribitur, artificialis
quoque est. Eodem modo semina si sint non conjuncta in opere
Philosophico, conjungidebent: Quod si verò alicubi conjuncta in-
venirentur, ut in ovo semen galli & gallinæ substantia habentur si-
mul in uno continente, tum esset Philosophorum opus adhuc ma-
gis naturale, quām generatio animalium. At demus, ut philosophi
testan-